



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 148. Sessio VIII. subtractio obedientiæ decreta.

[urn:nbn:de:hbz:466:1-66281](https://nbn-resolving.org/urn:nbn:de:hbz:466:1-66281)

gere parat, verum a Florentinis non sine ignominia depulsus est.

Sæcul. XV.
A. C. 1409.

§. CXVIII.

Sessio VIII, subtractio obedientiae decreta.

Feria sexta die decima Maji habita est Sessio ordine octava. Peracto per Massiliensem Episcopum sacro solemniter, Promotor a Concilio declarari postulat, unionem utriusque Collegii legitimam æque ac necessariam fuisse, Concilium a Cardinalibus ita conjunctis jure congregari potuisse, atque ad illud, utpote quod universalem Ecclesiam repræsentaret, totius causæ cognitionem devolvi, idque quantum ad hoc negotium, nullum Superiorem nec alium præter semetipsum in terris Judicem revereri. His Saresburiensis, & Ebroicensis Episcopi opponebant, utriusque Collegii unionem fieri non posse, quamdiu Cardinales Benedicto adhærerent, eorumque plures in ejus fide perseverarent, ceteris Gregorium pro vero Pontifice venerantibus, ideoque obedientiæ subtractionem generatim esse discernendam. Nihilominus Patres Promotoris petito acquiescentes unionem utriusque Collegii legitimam, & Concilium canonice congregatum esse pronuntiant.

Sæcul. XV.
A.C. 1409

tiant. Quo factò Patriarcha Alexandrinus unacum Episcopo Saresberienſi suggestum conscendens, auctoritate Concilii, insuperhabitis duorum Episcoporum, scilicet Angliæ & Germaniæ protestationibus, sententiam recitat, cujus summa hæc est: Non modo quemlibet posse, sed & teneri Gregorio & Benedicto obedientiam denegare, cum satis compertum esset, eos viam cessionis, quam tamen iuramenti Religione promississent, abhorre- re, atque artificiosis tergiversationibus eludere conari. Hanc sententiam Promotor ad acta publica referri postulabat, quod & impetravit. Sessio tamen, in qua decretorium contra hosce duos Competitores ferretur iudicium, ad decimam septimam Maji diem indicta fuit.

§. CXLIX.

Sessio IX, subtractæ obedientiæ sententia.

Monach. S.
Dionys. hist.
Carol. VI.

Sessione nona, cum Episcopus Atrebatensis sacris operatus fuisset, Patriarcha Alexandrinus conscenso suggestu publice, atque elatiori voce prioris sessionis recitavit Decretum, vi cujus utriusque de Papatu contendentis obsequio atque obedientiæ renuntiatum est.

§. CL.